

TRUPELA MANMERI TRUPELA STORI

MERI FAMA BISNIS PROJEK BILONG PNG

Bungim Pastor Ningi - komyuniti lida long ples Vunapalading, insait long Papua Niugini

Pastor Ningi em i wanpela lida na tu wanpela kakao fama bilong ples Vunapalading insait long Papua Niugini. Insait long dispela pepa, em i toktok long wok bilong em wantaim dispela projek bilong PNG Meri Fama Bisnis projek. Em i sindaun skelim ol gutpela gutpela senis insait long hauslain bilong em, na ol gutpela kaikai bilong tilim/serim ol samting em i lainim insait long skul/trening.



Pastaim tru Pastor Ningi ino gat laik lo dispela wok/projek, em i tok olsem igat planti grup na projek wok long ikam insait long Papua Niugini we i givim wankain ol skul/trening. Tasol em i larim em yet long harim sampela moa, bilong wanem, em i bin wok bipo wantaim Kiteni Kurika, wanpela meri husait i bin wok longpela taim tru wantaim National Agriculture Research Institute (NARI) na em i wanpela lida we Pastor Ningi i save wanbel tru long em. 'Sampela lain ken tok "ahh, dispela em wanpela wait meri tasol husait i laik toktok lo yumi long laip bilong ol" ... tasol nogat, mi yet mi gat bikpela bilip lo Kiteni".

Taim Pastor Ningi i lukluk igo bek gen, em i amamas olsem wok bilong em i wok long surik surik ikam antap, em i bin stap pastaim olsem wanpela man husait istap sambai tasol, na bihain surik ikam antap long kisim skul/trening, na bihain gen surik ikam antap moa long kamap Hauslain Tisa (long tok ingis ol i kolim long Village Community Educator (VCE)). Pastor Ningi i luksave olsem trening na wok bilong skulim ol manmeri i luk nais na tu i gat mining long Pastor Ningi, bilong wanem, em i laikim na yusim save na tingting bilong hauslain/ples stret, na tu i sapatim ol lida long hauslain long kirapim ol bikman/meri save bilong ol. Em i tok moa olsem em i save toktok wantaim ol wantok lain bilong em long ples na tu wantaim ol lain bilong em long sios.

Pastor Ningi i luksave olsem ol hap tingting and save bilong trening i orait tru na isi long lainim, kain ol samting olsem Femili Tim we i helpim ol femili long sidaun na skelim tingting long bihain-taim bilong ol. 'Dispela samting olsem Femili Fam Plen em i wanpela bikpela gutpela samting tru yu lainim mipela. Yu save, wankain olsem planti ol femili bilong mipela long PNG, yumi no save long dispela pasin bilong sidaun na skelim tingting long bihain-taim ... tasol nau mi klia lo mekim dispela'. Em i tok moa olsem, bipo long dispela projek ikam insait, bikpela hap moni bilong mipela i save kam long kakao fam, na ol arapela tingting olsem long planim kaikai lo gaden/fam na long wokim badjet bilong moni ino bin bikpea samting tumas. 'Yu save olsem long kalsa or long pasin tumbuna bilong mipela, mipela i no save planim kaikai na ino save mekim badjet, na wanem moni mi mekim tete, mi ken givim long husait i kam long kisim dinau o tu mi ken baim tasol sampela samting we mi lukim i gutpela ... tasol long dispela projek mi luksave tru long wokim plen bilong moni o badjet.

Continued next page

Antap long dispela olgeta samting, Pastor Ningi i laik tru long lukim ol wantok bilong em long hauslain i kamap gut. Em i tok amamas long ol fama husait i wok insait long dispela projek long be kirap bilong ol long lainim samting, na luksave long ol bikpela na nambawan senis insait long wei/rot bilong wokim gaden/fam na long wok poroman long wokim mani. Mi laikim man klostu long mi long kamap gut na kisim gutpela sindaun, long helpim em moa so em iken istap orait. Tru, planti bilong ol fama bilong mipela, dispela tim/grup yu wok wantaim, i senis moa moa yet. Planti bilong ol i wokim mani ... ol i opim benk akaunt na i putim mani'.

"Planti bilong ol fama bilong mipela, dispela tim/grup yu wok wantaim, i senis moa, moa yet. Planti bilong ol i wokim mani ... ol i opim benk akaunt na i putim mani".

Pastor Ningi bambai i wok yet olsem wanpela Hauslain Tisa (o VCE). Em i amamas long lainim samting moa yet nae m tu i amamas olsem em i stap insait long wanpela projek we i wok long senisim sindaun bilong ol manmeri na i wok long mekim moa mani bilong femili.

Dispela projek bilong Liklik Bisnis Bilong Ol Meri long PNG i karim kam insait na yusim ol sampela bikpela as tingting bilong assets-based community development (ABCD), we (Kretzmann & McKnight, 1993; Green & Haines, 2012) i raitim, we i min olsem ol projek wok na ol wok bilong kirapim tu trening i kamap long wok bung wantaim ol lain bilong ples stret yusim save na tingting bilong ol. Dispela wok i luksave long wok bilong Pastor Ningi na ol fama long hauslain stret osem ol bikpela saveman insait long hauslain/komyuniti husait i save moa long ol pasin bilong ples o kalsa na long wok fama na ino ol man/meri bilong autsaid; na lukluk gut gen long gutpela bilong wok bung wantaim long skulim na lainim tu wantaim.

Pastor Ningi em i wanpela bilong ol sampela ol Hauslain Tisa (VCE) insait long PNG we ACIAR i givim mani na sapatim. Mipela i serim stori bilong em wantaim tok orait bilong em. Go long <http://pngwomen.estem-uc.edu.au/> long painim aut moa long ol tuls bilong trening na projek.

Green, G.P., and Haines, A.L. (2012). Asset Building and Community Development - Third Edition. Thousand Oaks, California: Sage.

Kretzmann, J., and McKnight, J. (1993). Building communities from the inside out: A path toward finding and mobilizing a community's assets. Chicago, IL:ACTA